

COV PAJ LUG

Cov Paj Lug, Zaj 1, 2 thiab 3

Cov lus qhib phau ntawv.

1 : 1 - 7.

- 1 1 Xas Los Moos cov Paj Lug.
Xas Los Moos yog Das Vis leej tub,
yog ib tug vaj His Xas Lais.
2 Xas Los Moos cov paj lug ua kom
neeg paub txoj kev thoob tsib thiab paub
Txoj Cai, ua kom to taub cov lus tob,
3 ua kom paub cov txuj, ua kom pom
kev, ua kom mus taug kev ncaj kev ncees
kev haum pheej. 4 Pub kev ntse rau cov
neeg me, pub kev txawj kev xyuam xim
rau cov hluas, 5 ua kom to tsib cov
paj lug cov lus tob, ua kom to taub cov
neeg thoob tsib lawv tej lus txhais.
6 Tus xav tau tej yam saum no mas
kom nws mloog cov lus nram no, nws
thiaj yuav paub ntau yam ntxiv.
7 Txoj kev hwm HUAB TAIS yog kev
txawj kev ntse lub hauv paus. Yog cov
neeg ruam xwb thiaj thuam kev thoob tsib
thiab thuam Txoj Cai.

Txoj kev thoob tsib ntuas cov neeg tsis muab siab rau.

1 : 20 - 23 + 32 - 33.

- 20 Txoj kev thoob tsib qw nyob ntawm
tej kev hauv cov tsheej, nws tsa suab
nyob hauv tej tshav puam.
21 Txoj kev thoob tsib nqua hu sawv
daws tom tej ncauj ke, nws ntuas sawv
daws nyob ntawm tej rooj loog, nws hais
tias :
22 Cov neeg tswv yim mos dhau, nej
yuav nyiam txoj kev tsis txawj xav mus
txog tav twg ? Cov neeg hnyos luag,
lawv puas yuav nyiam txoj kev hnyos
mus li ?
Cov neeg tsis muaj tswv yim, lawv puas

yuav ntxub txoj kev paub txuj mus li ?

23 Nej tig rov los mloog kuv cov lus
ntuas mas ! Kuv yuav qhib kuv lub siab
rau nej. Kuv yuav qhia kuv cov lus rau
nej.

32 Cov neeg tsis paub tab, lawv yuam
kev, lawv yuav mus ntsib kev tuag. Cov
neeg ruam tsis xav tom ntej tom qab,
lawv yuav ntsib kev ploj.

33 Tab sis cov neeg mloog kuv yuav
nyob hauv kev kaj siab lug. Lawv yuav
tau nyob nyab xeeb, lawv yuav tsis
txhawj txog kev raug xwv txheej.

Kev thoob tsib coj peb mus deb ntawm cov neeg phem.

2 : 10 - 13 + 3 : 13 - 18.

2 10 Thaum txoj kev thoob tsib
chaws mus hauv koj lub siab, mas
koj xib rau kev txawj kev ntse.

11 Kev xyuam xim saib koj, lub tswv
yim txuag koj. 12 Kev thoob tsib coj
koj mus deb ntawm kev phem, deb
ntawm cov neeg hais lus nkhaus, 13 deb
ntawm cov neeg tso kev ncaj pov tseg,
deb ntawm cov neeg khaiv mus taug kev
tsaus.

3 13 Tus neeg nrhiav tau txoj kev
thoob tsib, tus tau kev txawj kev
ntse mas nws txoj hmoov zoo.

14 Thaum yus tau txoj kev thoob tsib
mas yog zoo dua yus tau nyiaj los tau
kub.

15 Kev thoob tsib muaj nqes dua cov pov
haum. Puas tsav yam toob xib uas koj
ntshaw txog mas tsis muaj ib yam muaj
nqes cuag li kev thoob tsib.

16 Tus thoob tsib txhais tes tuav ib lub
neej ntev loo, nws txhais tes laug tuav

nyiaj txiag thiab yeeb koob.

17 Txoj kev nws taug yog txoj kev noj qab nyob zoo. Txoj kev nws mus yog txoj kev kaj siab lug.

18 Tus tuav tau txoj kev thoob tsib, mas yog zoo li nws tuav tau tus ntoo pub txoj sia. Tus tuav rawv txoj kev thoob tsib nws yuav nyob dawb nyob huv mus li.

Cov neeg thoob tsib ua zoo rau luag tej. 3 : 27 - 32.

3 27 Thaum muaj ib tug thov ib yam ntawm koj, yog koj pab tau mas koj txhob ua tus tsis kam pab.

28 Thaum koj pab tus nyob ze koj tau, mas koj txhob hais rau nws tias :

"Koj rov mus. Tag kis koj rov tuaj kuv mam muab rau koj."

29 Thaum cov nyob ze tab tom tso siab rau koj, mas koj txhob nrhiav ua phem rau lawv.

30 Thaum neeg tseem tsis tau ua dab tsi phem rau koj, mas koj txhob nrog nws nrhiav chaw sib cav.

31 Koj txhob ntshaw ua xws li tus siab ceev, koj txhob yoog nws tus piv txwv.

32 Vim HUAB TAIS ntsia tsis taus cov neeg siab nkhaus. Nws yuav cov neeg siab ncaj los ua nws tsev neeg.

Kev thoob tsib yog txoj kev muaj txoj sia. 4 : 18 - 19 + 23.

4 18 Cov neeg ncaj txoj kev yog zoo li lub hnub tawm tuaj kaj lub ntiaj teb. Nws txoj kev kaj loj zuj zus mus txog tav su.

19 Cov neeg lim hiam txoj kev yog zoo li qhov tsaus ntuj. Lawv tsis paub tias lawv taw dawm raug dab tsi.

23 Koj yuav xub muab siab rau txuag koj lub siab zoo dua txhua yam, vim txoj sia

txhawv hauv neeg lub siab los xws li dej txhawv hauv lub qhov los.

Tus neeg thoob tsib tsis mus taug kev plees kev yi. 5 : 3 - 22

5 3 Tus poj niam di ncauj hais lus qab zib xws li zib ntab, nws lo lus mos dua roj nplua.

4 Tab sis qhov kawg nws iab dua cawv. Yog zoo li rab rauj ntse hau raug yus.

8 Koj kхиav mus deb ntawm tus poj niam ntawd, txhob txav los ze ntawm nws qhov rooj. 9 Tsam koj lub koob meej ploj mus. 10 Tsam koj lub cuab tam mus yug luag tej, 11 tsam qhov kawg koj lub cev kub hnyiab xws li ib tug taws nyob hauv qhov cub.

15 Koj haus cov dej nyob hauv koj lub qhov tim thaj, koj lub qhov tim thaj txhawv ib co dej ntshiab.

16 Koj txhob tso koj cov dej ntws phwj mus sab nraud xws li tej tus dej ntws mus puv tej tshav puam.

18 Koj yuav zoo siab nrog koj tus poj niam uas yav hluas koj tau xaiv nws.

19 Nws zoo li ib tug niam nkauj kauv zoo nyiam, zoo puav tam li tus niam nkauj sai zoo saib. Nws yuav zoo siab nrog koj tham. Koj yuav cia nws ob lub mis yug koj mus li, koj yuav hlub nws tas siab tas ntsws txhua lub caij nyoog.

20 Kuv leej tub, vim li cas koj yuav cia luag poj luag sev coj koj mus poob qhov ? Vim li cas koj yuav puag lub mis uas koj tsis paub ?

22 Tus neeg phem yuav mag nws cov hauj lwm lim hiam, nws txoj kev txhaum cov hlua yuav khi nws.

Tus neeg tub nkeeg yuav yoog tus ntsaum. 6 : 6 - 11.

6 6 Neeg tub nkeeg, koj mus xyuas
saib tus ntsaum nws ua zoo li cas.
Koj saib nws tus yam ntxwv, koj yuav
thoob tsib tuaj.
7 Tus ntsaum tsis muaj tus txawj tu plaub
tu ntug, tsis muaj tus saib nws ua hauj
lwm, tsis muaj tus tswj nws.
8 Lub caij sov nws khaws qoob loo, lub
caij hlais nplej, nws sau txhiam laj txhiam
xws.
9 Neeg tub nkeeg, koj yuav pw hauv txaj
txog tav twg ? Thaum twg koj thiaj yuav
tsim meej thiab sawv tsees los ?
10 Koj xav tias : pw me ntsis tso, tsaug
zog ib ntsis tso, da saum lev puag tes me
ntsis tso !
11 Ces ib tsam kev pluag tuaj nyiag koj
xws li tus tub sab, kev tshaib poob los
txog koj xws li tus neeg thov khawv.

Xya Yam uas HUAB TAIS ntxub.
6 : 16 - 19.

16 Muaj rau yam uas HUAB TAIS
ntxub, xya Yam uas HUAB TAIS tus plig
saib phem tshaj plaws.
17 Yog lub ntsej muag muab hlob, yog
tus nplaig dag, yog txhais tes hliv luag
ntshav dawb.
18 Yog lub siab npaj ua tej yam txhaum,
yog txhais taw rawm mus ua phem.
19 Yog tus tim khawv cuav hais tej zaj
dag, yog tus ua kom cov kwv tij muaj
plaub muaj ntug.

Leej txiv ntuas leej tub.
6 : 20 + 23 - 35 + 7 : 22 - 23.

20 Me tub, koj khaws txiv lo lus qhia,
koj tsis txhob tso koj niam lo lus ntuas
pov tseg.
23 Lo lus qhia yog zoo li ib lub teeb.
Lo lus ntuas yog qhov pom kev. Tej lus

qhuab qhia lus cem yog txoj kev coj koj
mus ua koj lub neej.
24 Cov lus ntawd txuag koj ntawm luag
tus poj sev siab nkhaus, txhob mag luag
poj sev cov lus qab zib.
25 Koj txhob ntshaw txog nws lub cev
zoo nkauj nyob hauv koj nruab siab,
txhob swb thaum nws ua tav muag tuaj
ntsia koj.
27 Yus yuav muab ib co hluav taws zais
hauv yus xub ntiag, tsis pub kom yus tej
tsho kub hnyiab puas tau ? 28 Yus tsuj
hluav ncaig, tsis pub hluav ncaig kub yus
taw puas tau ?
29 Tus raws luag poj luag sev nws ua
zoo li ntawd. Nws tau mus pib kov tej
kev ntawd lawm mas nws yuav mag sab
thiaj dim tau.
30 Tus neeg tshaib plab ua tub sab kom
tau noj, luag tsis ntxub nws.
31 Thaum luag ntes nws mas nws them
rov qab xya npaug.
32 Tab sis tus mus zes luag poj luag sev
mas nws ruam tiag. Tus zes luag poj luag
sev mas nws txhob txwm nrhiav kev ploj.
33 Luag yuav ntaus nws thiab thuam
nws. Nws txoj kev txaj muag yuav tsis
ploj li.
34 Vim luag tus txiv yuav npau heev,
luag yuav pauj nws, yuav tsis kam zam.
35 Tab yog koj them npaum li cas mas
nws yuav tsis saib, koj pub paj tshab
npaum li cas mas nws lub siab yuav tsis
nqig.

7 22 Tus neeg raug luag poj luag sev
ntxiwas, nws raug luag mooj lawm,
nws raws tus poj niam qab xws li ib tug
heev nyuj uas luag coj mus tua, 23 xws
li tus muas lwj mag hlua, xws li tus noog
mus mag tsig. Nws tsis paub tias nws
txoj sia yuav ploj nyob ntawd.

**Kev thoob tsib hu neeg tuaj mloog
nws. 8 : 2 - 5 + 8 +10 - 11.**

8 2 Kev thoob tsib mus nyob saum cov hauv roob hauv pes, nws nyob ntawm tej kev sib tshuam.

3 Nws nyob ntawm lub tsheej cov roo loog, nws nyob ntawm tej txoj xub ke hauv cov nroog, nws hais nrov rau sawv daws tias :

4 "Tas ib zeej tsoom, kuv hu nej sawv daws ! Kuv hu tas ib tsoom tub nraug xwb, ib tsoom ntxhais nkauj xwb !

5 Cov neeg tsis paub txuj, nej yuav tsum kawm kev ntse ! Cov neeg tsis xav tom ntej tom qab, nej yuav ua neeg txawj xav.

8 Cov lus tawm ntawm kuv lub neauj los puav leej yog lus ncaj lus raug, tsis muaj ib lo lus cuav los nkhaus.

10 Nej yuav xub nrhiav kuv cov kev cai dua nrhiav nyij, nej yuav xub nrhiav kev txawj dua nrhiav cov tseem kub.

11 Kev thoob tsib muaj nqes dua pov haum, tsis muaj lwm yam yuav txaus ntshaw cuag li kev thoob tsib."

**Keb thoob tsib ib txwm nyob
8 : 22 - 30**

22 Leej thoob tsib hais tias :

"Thaum HUAB TAIS thawj cov hauj lwm tseem tsis tau tsheej xeeb mas HUAB TAIS tsim kuv, kuv yog nws thawj txoj hauj lwm.

23 Txij lub hauv paus los, thaum tseem tsis tau muaj cov hnub nyooog, thaum lub ntiaj teb tseem tsis tau xeeb los, mas kuv twb nyob lawm.

24 Thaum tseem tsis muaj cov tiv txww, tseem tsis tau muaj cov qhov dej txhaww, kuv twb yug los.

25 Thaum tseem tsis tau muaj cov toj roob hauv pes sawv, kuv twb nyob lawm.

26 Thaum tseem tsis tau muaj ntiaj teb, tsis muaj lub sim ceeb thawj cov plua av plua tshauv, kuv twb yug los.

27 Thaum HUAB TAIS tsim cuaj txheej ntuj, thaum nws kos lub voj xov npoo ntuj, kuv twb nyob ntawd.

28 Thaum nws sau cov huab nyob txheej ntuj saud, thaum nws ua kom cov qhov dej hauv tiv txww phwj los, kuv nyob ntawd.

29 Thaum HUAB TAIS tu ciام teb rau cov dej ntuj kom lawv txhob hla dhau lawv tej ntug, kuv nyob ntawd.

30 Kuv nyob rawv ntawm HUAB TAIS xws li ib leeg ntxhais. Txhua txhia hnub kuv dhia hom khaj nyob ntawm HUAB TAIS xub ntiag, ua nws chaw kaj siab lom zem."

Kev thoob tsib hu cov pluag tuaj noj mov. 9 : 1 - 6.

9 1 Txoj kev thoob tsib txhim tau nws lub tsev lawm. Nws tsa xya tus neej.

2 Nws muab tej tsiaj tua, nws npaj cawv, npaj rooj mov tas.

3 Kev thoob tsib tso nws cov ntxhais txib mus tshaj saum tej tshav suab puam siab, hauv tej tsheej tias :

4 "Cov neeg siab ncaj, nej tuaj ntawm no mas !"

5 Nws hais rau cov neeg ruam tias : "Nej tuaj noj kuv rooj mov, nej haus cov cawv kuv npaj. 6 Nej tso kev ruam tseg, nej thiaj yuav muaj txoj sia. Nej mus taug txoj kev ncaj kev muaj tswv yim."

**Cov neeg thuam thiab hiam luag.
9 : 7 - 9 + 12.**

7 Koj xav qhuab qhia tus thuam luag mas ib me ntsis nws yuav ua yeeb ncuab rau

koj. Koj xav cem tus neeg phem mas koj yuav raug nws ua tub qaug rau koj.
 8 Koj txhob ntuas tus thuam luag, tsam nws nrhiav lus rau koj. Koj ntuas tus neeg thoob tsib mas nws yuav nyiam koj.
 9 Koj pub rau tus neeg thoob tsib, nws tseem yuav thoob tsib ntxiv tuaj. Koj qhia txuj rau tus neeg ncaj, nws kev txawj kev ntse yuav hlob tuaj.
 12 Yog koj ua neeg thoob tsib, mas koj yuav txais kev thoob tsib cov txiv zoo. Yog koj ua ib tug neeg thuam luag, mas koj yuav raug xwv txheej.

Kev vwm ua txuj hais lus zoo li kev thoob tsib. 9 : 13 - 17.

13 Tus neeg vwm, nws mloog nws lub siab nrawm dhau, nws hais lus xws li tus tsis paub tab tsis paub txuj dab tsi.
 14 Nws zaum ntawm nws qhov rooj, nws zaum saum ib lub theej kiab nyob saum qhov chaw siab nyob hauv lub nroog.
 15 Nws hu cov neeg dua kev kom tuaj.
 16 Nws hais tias :
 "Leej twg yog neeg siab ncaj ? Kom nws tuaj ntawm no mas !"
 17 Tus neeg vwm hais rau tus tsis txawj xav tias : "Cov dej uas yus nyiag yog ib co dej qab zib. Cov mov uas yus tau ntawm txoj kev tsis ncaj los, mas yog ib co mov qab ncauj."

Xas Los Moos cov paj lug, Phau Ib. Zaj 10 txog zaj 22.

10 1 Tus tub thoob tsib yog nws txiv chaw zoo siab. Tus me nyuam ruam yog nws niam chaw tu siab.
 2 Ib cov nyiaj uas yus tau ntawm txoj kev nkhaus los yuav tsis txi txiv zoo rau yus. Hos kev ncaj cawm yus dim ntawm

qhov tuag.
 4 Txhais tes tub nkeeg ua kom neeg pluag tuaj. Txhais tes nquag ua kom neeg muaj tuaj.
 7 Tus neeg siab ncaj, sawv daws cav txog nws lub npe mus li. Cov neeg phem lub npe ploj mus.
 9 Tus neeg ua tas puas tsav yam ncaj, nws mus taug ib txog kev ruaj nreb. Tus neeg ua nkhaus, tsoom sid yuav pom sai tias nws ua nkhaus.
 10 Tus neeg ua tav muag ntsia yus, nws ua yus ntxhov siab. Tus neeg qhuab qhia yus ncaj, ua yus siab kaj lug.
 12 Kev ntxub luag, zes plaub ntug cig xws li hluav taws. Kev hhub luag rhuav txhua yam kev txhaum.
 17 Tus coj txoj kev nrui, nws mus taug txoj kev muaj txoj sia. Tus tsis mloog tej lus qhuab qhia, nws yuam kev.
 19 Tus hais lus ntau nws yeej yuav ua txhaum. Tus cheem nws di ncauj, nws xyuam xim.
 20 Tus neeg siab ncaj, nws tus nplaig yog tseem nyiaj. Cov neeg phem lawv lub siab tsis muaj nqi.

11 1 Ib yam uas HUAB TAIS ntxub yog rab teev cuav. Hos rab teev lui raug xis nws siab.

11 Cov neeg ncaj cov lus zoo ua kom lub tsheej sawv los sai. Hos cov neeg phem lub ncauj rhuav lub tsheej.

13 Tus neeg kheev hais lus xaiv, hais cov lus npog rau sawv daws hniv. Tus neeg tswv yim xyuam xim txawj khaws lus cia.

14 Thaum tsis muaj tus coj, txhua haiv neeg yau mus zuj zus. Thaum muaj ntau leej sib pab tuav xam, cov hauj lwm thiaj mus zoo.

16 Cov poj niam zoo nkauj nto koob meej. Cov txiv neej siab loj tau kev nplua nuj.

22 Ib tug poj niam zoo nkauj tab sis nws tsis txawj xav tom ntej tom qab, mas nws zoo li ib lub kaus mom kub chob ntawm npua qhov ntswg.

25 Tus neeg nyiam ua zoo rau tsoom txheeb ze, nws yuav vam meej mus. Tus twg ywg dej rau luag, luag kuj yuav ywg dej rau nws.

28 Tus neeg tso siab rau nyiaj txiag, nws yuav ntsib kev ploj nyob hauv nyiaj txiag. Cov neeg ncaj yuav ntsuab xiab tuaj xws li nplooj ntoos.

12 4 Ib tug poj niam siab dawb siab huv, nws yog nws tus txiv lub mom nyiaj mom kub. Ib tug poj niam tsis txawj txaj muag nws yog zoo li tus kab noj tus txiv cov pob txha.

9 Ib tug me neeg nws noj nws tug, nws muaj tsim. Tus neeg nto koob meej tab sis nws tshaib plab, nws tsis muaj tsim.

15 Tus neeg tsis txawj xav nws saib tias txoj kev nws taug yog txoj kev ncaj. Hos tus neeg thoob tsib, nws mloog luag tej ntua nws.

23 Tus neeg xyuam xim muab nws kev txawj kev ntse khaws cia. Cov neeg ruam muab lawv txoj kev ruam rau sawv daws pom.

24 Tus muaj txhais tes nquag yuav tswj luag tes dej num. Tus muaj tes tub nkeeg nws yuav ua luag qhev.

13 Tus txawj cheem nws lub ncauj, nws txuag nws txoj sia. Tus hais lus ntau dhau nws ntsib kev puas tsuaj.

4 Tus neeg tub nkeeg nyob tos, tsis muaj dab tsi tuaj daws nws kev tshaib. Cov neeg nquag tau noj tsau.

7 Muaj tej tug ua txuj tsab ua neeg muaj, tab sis lawv tsis muaj dab tsi. Muaj tej tus ua txuj tsab ua neeg pluag, lawv ho muaj ib lub cuab tam loj.

10 Kev muab hlob ua kom muaj lus sib cav sib ceg. Kev thoob tsib nyob hauv cov neeg mloog luag qhuab qhia.

20 Koj mus fim cov neeg thoob tsib, koj yuav thoob tsib tuaj. Hos tus mus fim cov neeg tsis txawj xav, nws phem zuj zus tuaj.

24 Tus tsis xav siv rab nplawm, nws ntxub nws tus tub. Tus hlub nws tus tub, nws yuav qhuab qhia.

14 13 Tab yog lub caij yus luag mas yus lub siab kuj tseem muaj chaw ntxhov, chaws zoo siab txawj hloov ua chaw tu siab.

23 Txoj kev iab kev khwv yeej txawj txiv zoo. Kev ua neeg ncauj ntau tsuas txawj txi kev tshaib.

31 Tus twg hiam tus neeg pluag, nws ua tub qaug rau tus tsim ntuj tsim teb. Tus twg ua siab zoo rau cov neeg txom nyem nws hwm tus tsim ntuj tsim teb.

34 Kev ncaj ua kom lub teb chaws nto moo zuj zus. Kev ua txhaum yog cov haiv neeg kev txaj muag.

15 1 Lo lus mos ua kom tus neeg npau taws lub siab nqig. Lo lus meem txom ua kom luag npau.

3 HUAB TAIS qhov muag ntsia pom thoob tas qhov txhia chaw. Nws ntsia ntsoov cov neeg phem thiab cov neeg zoo.

8 HUAB TAIS ntxub cov neeg lim hiam thaj txi Ntuj. Cov neeg ncaj zaj teev Ntuj xis HUAB TAIS siab.

33 Txoj kev hwm HUAB TAIS qhia kev thoob tsib. Kev nyiam ua neeg me xub mus ua ntej ces kev nto koob meej mam lawv qab.

16 2 Tib neeg saib nws tej kev yog kev huv. Tab sis HUAB TAIS

ntsuan neeg lub tswv yim. 3 Koj tso koj tes dej num rau HUAB TAIS lis, mas koj tes dej num yuav tsheej xeeb tau.

9 Neeg lub siab nrhiav txoj kev nws yuav taug, tab sis yog HUAB TAIS hwj nws mus kev.

19 Yus yuav nyiam ua neeg me fim cov neeg me, zoo dua nrog cov neeg muab hlob sib huas nyiaj txiag.

17 3 Luag nchuav nyiaj nyob hauv lub yeej vub, nchuav kub nyob hauv lub qhov. Hos tus tsom neeg lub siab yog HUAB TAIS.

5 Tus hnyos tus pluag nws thuam tus tsim neeg. Tus luag cov neeg raug txom nyem, nws yuav muaj ib lub caij raug txim.

10 Ib lo lus cem qhia tus neeg ntse zoo dua ib puas nplawm rau tus neeg tsis txawj xav.

22 Ib lub siab luag ntxhi zoo li tshuai ntxiv zog. Kev ntaus siab me ua kom yus tej pob txha tsis muaj sia zuj zus.

28 Tus neeg ruam, yog nws nyob ntsiag to, mas luag xav tias nws thoob tsib. Yog nws tsis qhib ncauj, luag xav tias nws txawj nws ntse.

18 2 Tus neeg ruam nws tsis nyiam ntaus tswv yim. Nws tsuan nyiam tshaj nws lub siab.

4 Neeg cov lus yuav zoo li ib lub pas dej tob, zoo li ib tug dej phwj, zoo li ib lub qhov dej txhawv kev thoob tsib.

7 Tus neeg ruam lub ncauj yog nws chaw xyob txhiaj. Nws di ncauj yog zoo li ib roog ntxiab uas nws txoj sia yuav mag hauv.

10 HUAB TAIS lub npe zoo li ib lub yeej zeb. Tus neeg ncaj vam khom rau HUAB TAIS lub npe, luag ntaus tsis txog nws.

14 Thaum ib tug neeg raug mob mas nws lub tswv yim nres nws. Hos thaum tus neeg lub tswv yim qaug zog lawm leej twg yuav rov tsa tau ?

19 Thaum ib tug kwv tij pab nws tus kwv tij, nkawd muaj zog li lub yeej zeb. Ib cov phooj ywg sib nres yog zoo li nqaj hlau liaj yeej zeb lub qhov rooj.

22 Tus nrhiav tau tus zoo poj niam, nws ntsib kev kaj siab lug. Nws tau Tswv Ntuj ib lub txiaj ntsim.

23 Tus neeg pluag cov lus yog lus thov. Tus neeg nplua nuj teb ib lo lus tshawv tshawv rau nws.

19 4 Txoj kev nplua nuj ua kom yus muaj phooj ywg coob. Hos tus neeg pluag, nws tus phooj ywg tso nws pov tseg.

6 Muaj ntau leej hais lus zoo rau tus muaj hwj chim. Txhua leej txhua tus hais tias lawv yog tus neeg pub paj tshab ib tug txheeb phooj ywg .

11 Tus neeg txawj neeg ntse yog tus tsis npau taws sai. Yog thaum nws txoj kev zam rau luag.

17 Tus pub paj tshab rau tus neeg pluag, yog nws txais nyiaj rau Tswv Ntuj. Tswv Ntuj yuav pub txiaj ntsim los pauj nws.

22 Neeg chaw zoo nyiam yog nws lub siab zoo, luag nyiam ib tug pluag dua ib tug neeg dag.

20 13 Koj txhob nyiam kev tsaug zog, tsam koj pluag zuj zus tuaj, koj yuav rua muag pliav koj thiaj yuav tau noj seem noj so.

17 Cov mov uas neeg tau ntawm kev ua tub sab tub nyiag los, chiv thawj zoo li qab, tab sis ib me ntsis mas zoo li qe zeb nyob hauv qhov ncauj.

19 Tus neeg ncauj ntau nws qhib tej yam zais ntshis rau sawv daws paub, koj txhob

mus fim tus neeg hais lus ntau dhau.
 29 Cov hluas chaw zoo siab yog lawv lub
 cev muaj zog, cov laus chaw zoo siab yog
 lawv lub taub hau dawb.

21 3 Tswv Ntuj ntsia txoj kev ua
 ncaj ua ncees yog ib yam zoo dua
 qhov mus ua tej thaj txi Ntuj.

9 Yus yeem nyob hauv ib lub me nyuam
 khaub tsev, zoo dua nrog ib tug poj niam
 tawv ncauj siab phem nyob ua ib tse.

13 Tus uas nws pos pob ntseg tsis xav
 hnov tus neeg pluag lub suab hu, muaj
 hnuh nws kuj yuav tau qw nrov nrov luag
 kuj yuav tsis teb nws.

22 Tus neeg thoob tsib txeeb tau ib lub
 tsheej muaj tub rog coob zov. Nws rhuav
 tau lub ntsa zeb uas yog cov neeg nyob
 hauv tsheej chaw tso siab.

23 Tus neeg txawj cheem nws lub ncauj
 thiab nws tus nplaig, yog zoo li nws txuag
 nws tus plig kom txob raug kev piam
 tseem.

30 Nyob ntawm HUAB TAIS xub ntiag
 tsis muaj ib tug neeg yuav khav tau tias
 nws thoob tsib, nws xyuam xim, nws
 txawj xav tom ntej tom qab.

22 2 Cov neeg pluag los cov neeg
 muaj, Tswv Ntuj saib lawv sib
 luag zos, vim yog Tswv Ntuj tsim lawv
 tib si.

8 Tus twg tseb txoj kev nkhaus cov noob.
 Nws yuav sau xwv txheej ua qoob. Nws
 rab qws ntaus luag tej yuav rov raug nws.

13 Tus neeg tub nkeeg hais tias :
 "Ib tug tsov nyob nraum zoov ! Yog kuv
 tawm mas tsov yuav tom kuv ntawm
 kev."

Cov neeg thoob tsib cov lus.
Zaj 22 txog zaj 24.

22 Koj txob lwg tus pluag vim nws
 pluag. Koj txob hiam tus txom nyem,
 23 vim Tswv Ntuj tsa lawv cai, nws rho
 txoj sia ntawm cov neeg thuam luag.

24 Koj txob mus fim ib tug neeg siab
 ceev, txob mus nrog tus neeg siab heev.
 25 tsam koj yoog tau nws tus yam ntxwv,
 ces koj rov cuab ntxiab tos koj txoj sia.

23 13 Koj txob ntshai qhuab qhia
 koj tus me nyuam. Koj xuas pas
 nplawm los nws yeej yuav tsis tuag ! 14
 Koj xuas pas ntaus nws lub cev, koj yuav
 cawm nws tus plig ntawm txoj kev puas
 tsuaj.

27 Ib tug poj ntiav yog zoo li ib lub qhov
 tob. Luag tus poj niam yog zoo li lub
 qhov tim thaj nqaim.

31 Koj txob ntsia cawv txiv ntoo, koj
 yuav qhuas tias : cas cawv liab ploog ci
 laim txias hauv lub khob ! Ntsia nws
 ntws mas cas yuav ntxim qab ua luaj !

32 Qhov kawg, cawv tsuas muaj yuav
 lom koj thiab yuav tom koj xws li ib tug
 nab.

24 16 Tus neeg siab ncaj txawm
 ntog xya zaus, los zaum twg nws
 rov sawv tau. Cov neeg siab phem dawm
 taw, lawv poob nthav rau hauv qhov
 phem mus li.

17 Yog koj tus yeeb ncuab ntog mas koj
 txob luag, koj txob zoo siab tias nws
 poob, 18 tsam HUAB TAIS pom koj ua
 li ntawd, nws tsis zoo siab, ces nws tsis
 npau rau koj tus yeeb ncuab ntxiv.

24 Leej twg sim hais rau tus siab phem
 tias : 'Koj siab ncaj !' mas tas tsoom sid
 tsawm nws, cov haiv neeg ntxub nws.

26 Thaum ib tug neeg teb ib lo lus raug
 yus siab, yog zoo li nws nwj yus di ncauj.

Xas Los Moos cov paj lug.
Phau ob. Zaj 25 txog zaj 29.

25 6 Thaum koj nyob ntawm tus vaj xub ntiag, koj txhab ua ib lub ntsej muag xws li tej neeg loj, koj txhab mus zaum ntawm cov hlob qhov chaw.
 7 Yog yus hnov luag hais rau yus tias : 'Koj nce los pem no.'
 Mas yus yuav zoo siab dua poob hauv chaw qis nyob ntawm tus vaj xub ntiag.
 14 Tus neeg cog lus tias nws yuav pub ntau yam, tab sis nws tsis ua raws li nws cov lus, mas zoo muab piv rau thaum muaj huab dub nciab, muaj cua hlob nplawm ntws, tab sis nag tsis los.
 17 Txhab mus ntau zaus dhau hauv luag tsev. Yog luag pom dhuav lawm mas luag yuav pib ntxub.
 20 Thaum yus hais kwv txhiaj rau ib tug neeg tu siab mloog, yog zoo li yus hliv kua qaub rau saum ib lub qhov txhab.
 25 Ib lub moo zoo tuaj ntawm ib lub teb chaws deb tuaj, yog zoo li ib co dej txias nyob hauv yus lub qa uas nqhis dej qhuav qhawv.
 27 Noj zib mu ntau dhau yog ib yam tsis zoo. Koj txhab hais ntau lo lus zoo cav txog luag.
 28 Ib tug neeg tsis txawj kav nws lub siab, yog zoo li ib lub tsheej tsis muaj ntsa zeb xov.

26 11 Tus neeg ruam rov mus raws nws txoj kev ruam, xws li tus dev rov los noj qhov nws ntuav.

13 Tus neeg tub nkeeg hais tias : Muaj tsov nyob tom kev ! Muaj tsov nyob ntawm lub tshav !

17 Thaum luag tab tom hais plaub yus mus txais luag lus, yog zoo li yus mus tuav tus dev ko tw.

20 Thaum tsis muaj taws, hluav taws

tuag. Thaum tsis muaj tus liam ntxiv, plaub ntug tu.

24 Ib tug neeg ncauj qab zib nplaig qab ntsev, tab sis laj lim plab plaw lim hiam, yog zoo li ib lub lauj kaub av sam txhim.

27 Tus khawb qhov cuab ntxiab yuav poob hauv lub qhov. Tus dov ib lub pob zeb, lub pob zeb yuav rov ntog los tsuam nws.

27 6 Tus phooj ywg tej lus tshawv, mas yus yuav saib tias yog lus ncaj. Tus yeeb ncuab yws yus, mas yus yuav ceev faj.

7 Lub qhov ncauj tau noj seem noj so, nws xyeej zib mu. Hos lub qhov ncauj tshaib nqhis, mas yam iab nws saib yog qab zib.

8 Tus neeg mus ua loj leeb deb lub teb chaws nws yug los, nws zoo li tus noog nrhiav tsis tau nws lub zes.

15 Ib tug poj niam siab phem yws taus, zoo nkaus li tus ciav dej uas thaum ntuj los nag dej tsis txawj tu.

17 Hlau hov hlau thiaj yuav ntse. Neeg yuav mus fim luag, nws thiaj yuav txawj.

18 Tus zov tsob txiv ncuav pias tau noj lub txiv. Tus saib xyuas nws tus tswv yuav pom luag hwm nws.

19 Neeg pom nws lub ntsej muag nyob hauv pas dej. Neeg rov pom nws lub siab nyob hauv luag tej.

22 Tab koj muab tus neeg vwm tuav hauv qhov cos kom ntsoog tas, los nws txoj kev vwm tsis ncaim ntawm nws.

28 7 Tus tus coj Txoj Cai, nws yog ib tug tub ntse. Hos tus tub mus fim cov neeg xib rau kev tsis tsim txiaj, nws ua nws txiv poob ntsej muag.

13 Tus neeg zais nws cov txhaum yuav hlooov siab tsis tau. Tus lees nws cov txhaum thiab nrauj kev txhaum, nws yuav

pom luag khuv leej nws, ces nws tau txais kev zam.

29 2 Thaum cov neeg ncaj coob tuaj, tsoom pej xeem luag ntxhi zoo siab. Thaum tus neeg phem ua tus tswj, tsoom pej xeem ntsaj.

13 Tus neeg pluag thiab tus neeg noj luag zog sib ntsib. Tswv Ntuj ua kom nkawd qhov muag pom kev.

15 Rab nplawm thiab cov lus qhuab qhia coj kev thoob tsib tuaj. Cov me nyuam uas niam txiv cia ua ywj siab nws ua rau nws niam nws txiv txaj muag.

As Nkus cov Ius. Zaj 30.

30 7 Tswv Ntuj, kuv thov koj ob Yam, koj tsis txhob qia dub rau kuv, cheem kuv tsis tau tuag. 8 Thov koj tshem txoj kev hais lus dag lus cuav mus deb ntawm kuv. Koj tsis txhob pub kom kuv pluag dhau los kuv muaj dhau : koj pub mov txaus kuv noj xwb.

9 Tsam kuv muaj dhau lawm mas kuv yuav hais tias : HUAB TAIS yog leej twg ? Los yog pluag dhau mas kuv ua tub sab, ces kuv tsis hwm kuv tus Tswv Ntuj lub npe.

Cov paj lug Xam Phaj. Zaj 30.

18 Muaj peb Yam uas kuv lub tswv yim tsis duav, muaj plaub Yam uas kuv tsis paub.

19 Yog txoj kev uas tus dav ya nyob saum ntuj, yog txoj kev uas tus nab nkag nyob saum lub pob tsuas, yog txoj kev uas lub nkaj mus saum nplaim dej hiav txwv, yog txoj kev uas tus txiv neej taug mus rau hauv tus poj niam hluas tsev.

20 Tus poj niam tsis tsim txiaj coj tus Yam ntxwv zoo li no : nws noj mov tas,

nws so qhov ncauj nws hais tias : kuv tsis tau ua dab tsi phen !

24 Muaj plaub tug tsiaj me tas nrho nyob ntiaj teb no, tab sis lawv thoob tsib tshaj cov thoob tsib. 25 Cov ntsaum yog ib hom tsiaj zog me, tab sis lub cajj ntuj Sov lawv sau qoob loo tseg. 26 Cov nas yog ib tsav tsiaj tsis muaj zog, tab sis lawv nkaum hauv tej qhov tsua. 27 Cov kooj tsis muaj vaj, tab sis lawv ya ua npoj.

28 Cov nab qa tsiaj uas yus nthos tau ntawm tes, lawv nyob txawm hauv cov vaj tej tsev.

Les Mus Es cov Ius. Zaj 31.

31 2 Kuv me tub, kuv roj ntsha, tus uas kuv xeeb, 3 koj tsis txhob muab koj lub zog pub rau luag poj luag sev, txhob muab koj lub cev rau cov uas lawv ua cov vaj puas tsuaj.

Cav Ius zoo txog tus niam tsev nquag. Zaj 31.

10 Leej twg yuav nrhiav tau ib tug niam tsev nquag ? Tus niam tsev nquag muaj nqi dua tej hlaws npliag deg !

11 Nws tus txiv tso siab lug rau nws, tus txiv yuav tsis tshaib tsis ntshaw.

12 Nws ua zoo rau nws tus txiv tas ib sim neej, nws tsis ua phem rau tus txiv.

13 Nws tooj xov plaub yaj, saws ntuag, nws ob txhais tes ua hauj lwm nrawm nroos. 14 Nws zoo li lub nkaj ua luam, uas mus yuav toob xib txog luag pej kum teb rov los. 15 Ntuj tsis tau kaj, nws sawv los faib mov rau nws tsev neeg noj, faib hauj lwm rau nws cov ntxhais txib ua. 16 Nws ntshaw ib daig teb, nws mus yuav, nws ob txhais tes mus cog hmab txiv cawv rau. 17 Nws sia siv khov kho, loj npab ntshuas siv zog ntsos ua num.

Cov Paj Lug, Zaj 31

- 18 Nws paub tias nws lag luam yuav tau paj, nws lub teeb ci lam lug tas hmo.
- 19 Nws ob txhais tes tuav leg xov, nws ntiv tes nthos nkaus ntxaiv los qaiv.
- 20 Nws cev tes pab cov neeg txom nyem, nws pub mov rau cov neeg pluag noj.
- 21 Lub caij ntuj no nws tsis ntshai daus, vim tas nws tsev neeg tau tsho txooj hnay.
- 22 Nws hnay ntaub maj mos, thiab ntaub liab tsam xem.
- 23 Nws tus txiv nto moo nyob ntawm cov qhov rooj tsheej. Tau nrog cov txwj laus hauv lub teb chaws zaum ua ke.
- 24 Nws ntos ntaub mos coj mus muag, nws ua siv muag rau cov tub lag tub luam. 25 Nws muaj zog, muaj hwj chim, nws luag nyav tos yav tom ntej.
- 26 Nws hais lus saib qab saib hau, nws lub ncauj tsuas qhia kev hwm Ntuj hwm neeg. 27 Nws saib cov neeg ua hauj lwm hauv nws tsev, nws tsis nyob dag noj luag mov luag zog. 28 Nws cov tub sawv los cav tias : nws txoj hmoov zoo. Nws tus txiv kuj quas nws tias : 29 Muaj ntau tus poj niam tau ua ntau yam zoo, tab sis koj tseem ua zoo tshaj sawv daws !
- 30 Tus muaj xom lees nws xav ntxias luag, tus zoo nkauj kuj tsis muaj nqis dab tsi. Tus poj niam hwm Tswv Ntuj mas luag yuav cav txog nws.
- 31 Nej pub cov txiv txi ntawm nws txhais tes rau nws. Kom nws cov hauj lwm rov cav lus zoo txog nws nyob ntawm cov qhov rooj tsheej.